



Broj: 05-50-1-2616/15  
Sarajevo, 5.11.2015. godine

**PARLAMENTARNA SKUPŠTINA  
BOSNE I HERCEGOVINE**

**- Zastupnički dom -**

**SARAJEVO**



**PREDMET:** Odgovor na zastupničko pitanje – dostavlja se

Ministarstvo vanjskih poslova Bosne i Hercegovine, aktom broj: 01-50-2-35036/15 od 30.10.2015. godine, dalo je odgovor na pitanje koje gosp. Damir Bećirović, zastupnik u Zastupničkom domu Parlamentarne skupštine Bosne i Hercegovine, usmeno postavio na 18. sjednici ovog doma održanoj 7.10.2015. godine.

U pritvku proslijeđujemo navedeni akt i odgovor na postavljeno pitanje, radi njegovog dostavljanja zastupniku.


S poštovanjem,

  
**GENERALNI TAJNIK**  
*Zvonimir Kutleša*



Broj:10-50-2-35036/15  
Sarajevo, 30.10.2015. godine

**BOSNA I HERCEGOVINA**  
**SAVJET MINISTARA**  
**GENERALNI SEKRETARIJAT**

 **BOSNA I HERCEGOVINA**  
**SAVJET MINISTARA**  
**SARAJEVO**

PRIMLJENO: 05-11-2015			
Opis posla	Broj posla	Broj prijave	Broj priloga
05	50-1	2616-7	15.

**Predmet:** Prijedlog odgovora na poslanička pitanja

**Veza:** Vaš akt 05-50-1-2616-3/15 od 13.10.2015. godine

Predstavnički dom Parlamentarne skupštine Bosne i Hercegovine, dopisom broj: 01-50-1-15-18/15 od 07.10.2015. godine zatražio je od Savjeta ministara Bosne i Hercegovine dostavu odgovora u pisanoj formi na poslanička pitanja Damira Bećirovića i Amira Fazlića koja su usmeno postavljena na 18.sjednici ovog Doma, održanoj 7.10.2015.godine.

Zatraženi su odgovori na slijedeće pitanja :

#### **Pitanje poslanika Damira Bećirovića**

Pitanje se odnosi na rad uposlenika Libijske ambasade u Bosni i Hercegovini. Koliko osoba u Ambasadi Libije ima diplomatski status i koliko njih se zaista nalazi u našoj državi. Da li je i šefu Komiteta za brigu o ranjenicima u BiH koji djeluju pri Ambasadi Libije, gospodinu Aliju Amishu odobren diplomatski status i po kom osnovu, pogotovo ukoliko su tačne informacije da pomenuta osoba posjeduje i BiH državljanstvo? Obzirom da je na snazi potpisan i ugovor između tog Komiteta i UKC Sarajevo, da li osobe koje dolaze na liječenje u našu zemlju prolaze kroz bilo kakvu kontrolu od strane službenika naših institucija kako u Libiji tako i u Bosni i Hercegovini, jer postoje određeni navodi da ovdje dolaze osobe koje nisu jednostavno u njezi, koje nemaju potrebe za medicinskom njegom. Molim da se i ministar vanjskih poslova oglasi, znači pismeno.

#### **Pitanje poslanika Amira Fazlića**

Zašto Ministarstvo vanjskih poslova nije donijelo Zakon o vanjskim poslovima, te Pravilnik o unutrašnjoj organizaciji. Uz pitanje dat je i kratak komentar. Iz revizorskih izvještaja za 2014., pa i za 2013. godinu skreće se pažnja na ovaj Zakon o vanjskim poslovima. Znamo da je Ministarstvo uradilo ovaj Zakon, uputilo ga u proceduru i da se čeka komentar od članova Predsjedništva. Ali, pošto imamo i nove ljude u Ministarstvu, jer Ministarstvom rukovode ministar i zamjenik ministra, potrebno je biti aktivniji po ovom pitanju. Obzirom da nema ni Pravilnika o unutrašnjoj organizaciji, dolazi se u jednu apsurdnu situaciju da jedno jako bitno ministarstvo za Bosnu i Hercegovinu koje raspolaže velikim budžetskim sredstvima, koje radi na afirmaciji Bosne i Hercegovine, radi bez dva bitna normativna akta.

U vezi vašeg akta, broj i datum veze, Ministarstvo inostranih poslova Bosne i Hercegovine u prilogu dostavlja prijedloge odgovora na pitanja poslanika Damira Bećirovića i Amira Fazlića.

S poštovanjem,



MINISTAR

Igor Crnadak

**Broj : 10-50-2-35036/15**

**Sarajevo, 30.10.2015. godine**

Damir Bećirović, poslanik u Domu naroda Parlamentarne skupštine Bosne i Hercegovine, na 18. sjednici Predstavničkog doma Parlamentarne skupštine Bosne i Hercegovine, održanoj 7. oktobra 2015. godine postavio je pitanje ministru inostranih poslova :

Pitanje se odnosi na rad uposlenika Libijske ambasade u Bosni i Hercegovini. Koliko osoba u Ambasadi Libije ima diplomatski status i koliko njih se zaista nalazi u našoj državi. Da li je i šefu Komiteta za brigu o ranjenicima u BiH koji djeluju pri Ambasadi Libije, gospodinu Aliju Amishu odobren diplomatski status i po kom osnovu, pogotovo ukoliko su tačne informacije da pomenuta osoba posjeduje i BiH državljanstvo? Obzirom da je na snazi potpisan i ugovor između tog Komiteta i UKC Sarajevo, da li osobe koje dolaze na liječenje u našu zemlju prolaze kroz bilo kakvu kontrolu od strane službenika naših institucija kako u Libiji tako i u Bosni i Hercegovini, jer postoje određeni navodi da ovdje dolaze osobe koje nisu jednostavno u njezi, koje nemaju potrebe za medicinskom njegom.

Molim da se i ministar vanjskih poslova oglasi, znači pismeno.

Na postavljeno pitanje, Savjet ministara Bosne i Hercegovine je na ----- sjednici održanoj ----- godine, utvrdio slijedeći

## **ODGOVOR**

U Ministarstvu vanjskih poslova Bosne i Hercegovine, u skladu sa odredbama Bečke konvencije o diplomatskim odnosima, notifikovana su 23. lica sa statusom diplomate. Od toga su dva lica sa statusom administrativno-tehničkog osoblja i jedno lice sa statusom poslužnog osoblja Ambasade Libije u Bosni i Hercegovini, a jedno lice je u statusu privatne posluge libijskog diplomate.

Gospodinu Aliju Amishu nije odobren diplomatski status.

Svi državljani Libije, sukladno važećim propisima, nalaze se u viznom režimu i isti za ulazak u Bosnu i Hercegovinu trebaju osigurati odgovarajuću BiH vizu (viza C ili viza D). Zahtjev za izdavanja vize za ulazak u Bosnu i Hercegovinu podnosi se diplomatsko-konzularnom predstavništvu BiH. Uz zahtjev, aplikant je obavezan dostaviti i dokaze o razlozima svoje posjete BiH. Nakon razmatranja predloženih dokaza, kao i provjere aplikanata kroz ISM sistem, diplomatsko-konzularni predstavnik je obavezan obaviti i odgovarajući intervju sa podnosiocem zahtjeva za vizu, te na osnovu svih dokaza, provjera i intervjua, ocijeniti da li su razlozi za posjetu BiH opravdani. U slučaju pozitivne procjene o opravdanosti zahtjeva aplikantu se izdaje viza za odgovarajući period, u skladu sa zakonom i podzakonskim aktima.

U postupku izdavanja viza, pored Ministarstva vanjskih poslova BiH, sudjeluje i Služba za poslove sa strancima BiH, u svakom konkretnom slučaju. Sukladno zakonu, postoji i mogućnost da Granična policija BiH poništi izdatu vizu prilikom ulaska u BiH, ukoliko ocijeni da su razlozi dolaska stranog državljanina u suprotnosti sa navodima iznijetim u aplikaciji.

Postupak izdavanja viza ima za cilj da onemogući ilegalne migracije ili ilegalni boravak u BiH stranim državljanima i isti je u potpunosti harmonizovan sa Šengenskim standardima. Skoro su zanemarivi slučajevi ilegalnog boravka, odnosno ilegalnog ostanka onih libijskih državljana kojima je izdata BiH viza.